

七律

七排


五絕

六絕

七絕

高冲堂錄

息庵集
二



息庵先生遺稿卷之四目錄

七言律詩

八十七首

近齋相公小祥

次四雅子述懷韻

送洪端川

錫龜二首

次東坡咏雪韻

二首

奉送沂川

洪相公赴燕

奉送李侍郎

正英出按

閩西

雅秦博浪沙

釋耒答三顧

送李承宣

後裔出按

關東

走書

長律以建

李行臺碩之

自新安辭家大人南歸述感

百祥樓

送崔周卿向太白

挽李判書

慶徽

挽趙麻田

時馨

挽趙判書

啓遠

挽海城君金

汝水

大殿春帖子

次萊伯李汝輝韻

寄謝文谷太學士

次萊伯韻

聞洪伯涵遠謫北郵

贈張道士

題釜山山亭

海雲臺再疊崑字韻

次公舉韻

事竣將還留贈萊尹

挽李通津

敏采

送鄭納言

華齋赴燕

送金季明出按關東

挽福寧君

次洪于海病懷

八首

次洪于海韻

挽李應教

有相

次夢齋申公韻

秋夜次夢賢員

又次夢齋韻

展掃先塋留題屋壁

贈別關東伯趙公舉

追寄勉卿洪州之行

送固城倅趙君世煥

李尚書

殷相

壽席次光城台韻

二首

又疊前韻

挽豐陽君張

善溪

挽趙判書

珩

贈別夢齋出宰安邊

送李承宣有初赴燕

追寄揚卿溫陽之行

挽南叅判

九萬

大夫人

懸弧之夕書示汝兩

送申兄戴明謫博川

挽趙正

秦相

寄題梅鶴亭

直藥房偶成一律

仁敬王后挽詞

二首

挽李生

涉

婦金氏

挽宋生

殷錫

婦朴氏

挽趙承宣

遠期

歷展外家諸墓有感

水雲亭書示戶生

勤

次南尚書雲卿韻

買山

再題梅鶴亭

敬次文谷相公韻

好事

送李侯

情

出守白川

近水堂敬次東淮先生韻

角巾亭疊東字韻

次柳諫議是字韻

于架亭書示洪伯涵

贈別北伯李君實

挽趙監司世煥

明聖王后挽詞

默默

挽閔海州燾

七言排律二首

歷覽漢陰蔡亭舊基日占

復疊前韻

傳聞方今通希希四日金

三

口

息庵先生遺稿卷之四

七言律詩

二月四日迂齋相公小祥

辛丑

去春東閣魯相弔惆悵今逢二月回當日英豪歸夜
宅異時勲業列雲臺亭園寂寂人誰在風雨淒淒燕
獨來懷舊潘生情感慨不堪重切悼亡哀

次四雅子述懷韻

壬寅

南樓昨夜動涼風七月殘交覺已空河漢影高秋色
裏梧桐葉冷雨聲中三旬藥餌心猶健千里煙霞夢
屢通安得與君同跌宕蓬萊山上駕雙虹

元韻

申瑞明

舞蝶鳴蟬弄晚風竹床簾簟小齋空年光暗換濃
陰裏秋氣偏生積雨中萬事世間隨淡泊一樽身
外任窮通何當拂袖訪蓬島共躡毗盧千丈虹

送洪端川

龜

十載蹉跎兩鬢蒼每憐郎署老馮唐秋風五馬馳關
北昨夜孤鴻到漢陽山抱玉田朝旭暖海連銀闕暮
濤長知君冰蘖還餘事早晚恩綸下未央

又

少小曾從關塞遊端州未到到咸州春風波浪龍興

水落日歌鐘萬歲樓每詫舊時觀自壯還憐此別路
偏悠東門斗酒分攜處北望雲烟已素秋

次東坡詠雪韻

漠漠疎林噪暮鴉紛紛朔雪欲埋車佳人解道因風
絮才子工吟剪水花剩把詩情輸灞岸旋將喜氣屬
田家閉門且學袁安臥龜縮無煩手屢叉

又

掩日篩空密復纖隨風入夜勢全嚴崑山璞碎堪投
鵲滄海篇成解賦鹽已替飛花縈綺席更兼新月照
茅簷論才忽憶梁園興誰共相如較兔尖

奉送右台沂川洪公命夏赴燕之行

司馬高名四國聞，富公專對賴忠勤。
曾從虎殿驚真相，更許燕都識妙文。
日落遼山遙接海，春來薊樹暗如雲。
懸知夜夜台垣望，分得清光淨塞氛。

又

駟馬蕭蕭將遠行，驪駒一曲不堪聽。
百年實下伊川淚，萬里虛高魏國城。
山指殷人曾採地，波連齊士欲投溟。
中原極目煙塵色，誰識書生感慨情。

奉送李侍郎

正英

台丈出按關西

繁華終古號西京，建節巡藩世共榮。
禮樂尚存箕子

國風雲長護乙支營錦筵釵髻鳴絃坐玉帳袴韉握
劍迎最是嘉州遺愛在行看竹馬擁雙旌

樵秦博浪沙

月課

說難公子已歸秦五世猶恩別有臣可但西山空守
義却從滄海更求人金椎電掣乾坤慘玉輅塵驚鬼
物輦未死祖龍先膽懾休言首事祇吳陳

釋耒答三顧

月課

伯仲伊姜垂大名何曾管樂比先生使君不憚湯三
聘帝業期恢夏一成釋耒始聞酬漢室開屯仍見雜
邊氓平生肯作兒孫計唯許成都數畝耕

送李承宣

俊者

出按關東

憶昨留宮共把杯，卽看新節下銀臺。
千秋嶽色毗盧雪，白日濤聲渤海雷。
終古地形常擅勝，祇今民事奈堪哀。
吾家舊近昭陽渚，何得追公一棹迴。

再逢李行臺碩之

慶采

於新安走書長律以爲

幽薊長路驪駒之躋

乙巳

西關再度逢迎際，王事驅馳道路漫。
落日停杯辭故國，片宵聯榻到新安。
邊雲朔雪山河暮，哀笛清笳樓閣寒。
異地不堪兼送遠，願君努力且加餐。

自新安辭家大人南歸述感

拜別高陽淚幾吞却從西塞侍征軒小臣勞力元王
事絕域承 顏亦 主恩心逐歸雲長北逝身催去
駟獨東奔明春淚上歡迎地願著萊衣捧壽樽

百祥樓

樓外浮雲大漠垂樓前落日澹餘曦千秋關塞登臨
地十月山河雨雪時歌舞乍寬長路役兵戈却憶昔
年危側身香嶽還遺恨天際群巒暮轉奇

持被玉堂已二十日尚未有出沐之期今朝崔

內翰周卿

後尚

以 實錄移安方向太白歷見

而去聞其行將由四郡登覽乎寒碧二樂之勝

汧汧於龜潭島潭之間踰竹嶺訪黃池誠可謂
盡江山之環觀者矣顧余雖有江湖山藪之思
而譬如彫籠之繫羽徒自引領几几而已殊几音
聊占長律以爲驢蓋亦平子四愁之遺意云

太史今朝向太白遠嘶丹詔出丹陽千秋地僻圖書
秘五月江深樓閣涼逸志尚禽追訪嶽雄文司馬憶
浮湘獨憐留滯鑾坡客補袞無能鬢髮蒼

挽李判書

慶徽

如公衡鑒政時須歎息明廷失範模一世丸遷今亦
得三卿二代古猶無論人每耻先夸者言事何曾效

嗇夫遙想西江飛旆遠不堪秋夜斷鴻吐

挽趙麻田文

昨榮

魯與諸郎托素期每從床下拜清儀廉名郡邑唯琴
鶴晚計田園且酒基誰道六旬非上壽人傳五桂總
瓊枝久知餘慶綿綿在聞說臨江吉宅宜

挽趙判書

啓遠

山林龍虎識魁豪耆耄三朝位望高髫歲潞公期輔
相中年師魯學戎韜律身藩翰無良馬滿志江湖有
善刀乘化九天應一咲笑它浮世閒兒曹

挽海城君金

汝水

少小韜鈴世將家，勲封武甲兩堪誇。
北平虎穴曾開石，南海鯨濤舊擁槎。
當日溺灰心自苦，暮年看鏡鬢先華。
所嗟纔送頻陽別，却寫哀詞哭柳車。

大殿春帖子

居正

青旂鸞輅已迎春，肅穆千官賀紫宸。
北極山河終古壯，東宮帝露一時新。
靈臺占氣徵豐歲，法殿開罇賞諫臣。
最是漢家寬太詔，更教衆庶荷恩均。

次萊伯李汝輝

之翼韻

昨罷螭頭彩筆簪，南來使節豁胸襟。
遙臨關嶺千年險，直下滄溟萬里深。
天外故人還數見，春回美酒肯

孤斟投詩况有琳琅語歸索何須更陸金

寄謝文谷太學上

金公壽恒

萬里憐吾出五谿藥囊可重許分齋甘從南海求鵬
息且荷東門有鳳題亂後駸駸蠻俗惡春來處處瘴
烟迷文成諭蜀嗟何用漫把歸期學雞

次萊伯韻

北望浮雲黯不開強攜樽酒上高臺青春冉冉鶯花
去碧海茫茫風雨來裘帶正看開府略詩書誰數大
夫才天邊節序嗟相換日暮歸心漫自催

余之南來也吏部洪君伯涵曾有贐語昨聞伯

涵以非辜遠謫北郵爲之驚嘆遂步其韻以略
道愴然之思而已

我作炎州三月行聞君北謫復脩程千秋蜀國文園
檄萬里潮陽吏部名瘴海春來音信斷沙場日落旅
魂驚郵亭正想閑多暇莫把深杯較孰贏

贈張道士

道士名雲起中朝金陵人也壬戌自鎮江來
本國後因兵戈不能自還淪落海隅今年已
六十四矣素工麻衣遺法十不失一二蓋亦
龍虎天師之後裔云

龍虎天師乃東漢張道
陵真人也至今爲道家

所宗子孫世
爲天師焉

此地逢迎眼倍明爾從何處到東溟少年未信封侯
相今日翻爲出塞行歲月浮生雙白鬢風塵遠道一
青萍歸期試向君平問萬里關山隔玉京

題釜山山亭

壓海而山山如覆釜卽所謂釜山也當山之
南腰鑿開小丘構一亭焉前對絕影三岫者
置案俎左有太宗臺右有石城烽峰自石城
而下山勢稍低邐迤而南至多大前浦又有
數三小嶼錯於其間復與絕影相屬長圍遠

北而作 巨湖宛然巴陵錢塘之奇勝而亭
又有樹木幽鬱蔥蒨甚有林樾之致焉噫天
下之物大者不細豪者不妍此其恒情也孰
謂溟渤濤漲之間而乃有此淵澄澹蕩之光
景也耶萊尹李公汝輝有詩余爲步其韻

孤城雲物接蓬萊小閣登臨勢轉嵬近嶼當眉雙案
俎平湖滿眼一盂鼻三洲十島自茲去蠻舶賈帆能
日迴况有老龍應側耳何須弄笛動風雷

海雲臺再疊嵬字韻

海雲臺上望蓬萊醉客狂吟氣自嵬仰祝星辰高咫尺

尺俯臨溟渤小鬣疊祖龍有石驅將去對馬如九刻
却迴笳鼓一聲波浪沸將軍威令肅風雷

次公舉韻仍希轉奉申寅伯內翰

千里唯憑尺素通我思君憶兩情同萍蹤落落來關
外華髮飄飄入鏡中祇是風塵頻悵別未應歧路更
嗟窮故人天上還多在想爾聯翩謁紫宮

事竣將還留贈萊尹

譜中惇睦兄憐弟塞外逢迎我得君幾夜共聽山寺
雨平朝同挹海臺雲乾坤莽莽誰非客歧路悠悠却
又分努力丈夫臨別語好將長策靖南氛

挽李通津

敏采

頓丘博士韓公誌嘗開燒丹指戒明近哭親知多短
命可憐杯酒亦傷生纔聞赤縣唯將鶴誰料青冥便
跨鯨最是鵠原懷至慟更何辭說慰慈清

送鄭納言

華齊赴燕

萊海歸來又遼海年年觀海費登題三山真可供游
目百尺還須挾上梯短羽搏風鵬徙北片金跳浪日
懸西千秋却憶蹈東語高節何人更得齊

送金季明

益吳

出按關東

已識朝廷欲用公分憂饑歲出關東三年門館從羅

雀一夕軒車有盡熊楓岳北登山骨白蓬壺左瞰日
輪紅洲翁棠咏留千古常棣詩仍雅繼風

挽福寧君

柏

于嗟公姓詠周麟王室惇宗有至親妙歲聯封榮一
代聖朝殊眷絕群臣人憐薛邑論琴日客散梁園
賦雪辰仍憶去年歌舞地獨留寒月照華茵

次洪于海

萬宗

終南病懷八首

伏枕春來屬玉除柴門寂寞掩閑居每吟彭澤南山
句且罷襄陽北闕書梁燕簷鳩宅自入岸花汀柳爾
全疎已知簡懶偏吾性無復名途候謗譽

又

一病休官節序深禁廬從此謝綾衾庭花故弄三春
色海鶴偏懷萬里心已悔風塵迷出處更堪霄漢卜
升沉高情却想沿沂樂鏗瑟依然太古音

又

抱病三旬只守純不知時物已迴春園桃灼灼初迎
日社燕飛飛亦傍人東洛風花憐白傅西山煙雨憶
玄真乍當杖策同君去雙袖蓬壺一振塵

又

世故芸芸醉復醒暖窗遲日晝生烟浮雲事業真徒

爾枯木形骸正嗒然每恠天機詩自洩不關春意柳
先傳傍人笑我今如此爛讀南華第二篇

又

卜築牛川境寂寥一區吾欲老漁樵龍歸月峽一尋
毛雨霽雲臺百里朝剩有烟霞堪自放幸無簪紱與
人遙春來且伴洪崖去桂樹山中長幾條

又

欲將生業問桑麻春到田園感物華境僻溪翁常作
友家貧社酒亦勝茶門前晉代徵君柳洞裏秦時隱
者花只此經營苦易足未須虛羨葛洪砂

又

春日娟娟春氣和故人棲息近如何十年京洛才名
早三月林園逸興多弄榮攀條真得我馳軒躍馬且
從他新詩却寄勞相望語鳥嚶嚶在別柯

又

名香靜夜插爐薰蘭室何緣一對君伯略自慙齊九
合儒風誰效魯中分銀魚焚去還青嶂瑤草新來是
白雲此世行藏吾已識散材今亦謝朝斤

次洪于海韻

憶昨幽憂掩薤門石田茆屋舊石存村醪不害澆胸

快簷曝唯憐炙背溫
僊去林禽差適意
寵來軒鶴却
饗恩清詩到眼堪
醫俗襟抱憑君一細論

挽李應教

有相以遷陵都監都廳病下得從事
沒後上錄其勞陞資贈知申

樂陵敦事勤勞口一臥還憐病未蘇
漢代酬功恩不薄
周南滯跡命堪吁
三珠奇樹凋瓊蕊
駟馬行程有駿駒
每愴寢門論脉語
恨無方術及俞盧

李之二昆季並學上

且有四子

次夢齋申公

最韻丁巳

塊然病骨蟄成堆
日午山扉且暫開
未許吏人持牘至
尚期隣友抱琴來
當場傀儡態頻變
欹枕羲皇夢

獨回千古適之真飲客避賢容我學啣杯

秋夜次夢齋韻

吟族喧喧鬪百蛩任他時節鬧秋風極知冰至凝霜
後已覺涼生積雨中東嶺星光疑並月南園螢火怯
焦空中宵俛仰還無寐歎息終南一病翁

又次夢齋韻

疲蕭深深蟄弊局那堪陳力更揚庭搔來顛髮公然
白夢去鄉山無數青未怕蟲蛇隨雨乳偏憎蟪蛄滿
秋聽平生却愛南華語善得庖刀有魏丁

八月二十七日伏蒙 恩假展掃先塋九月初

二日還朝以題屋壁

辛蒙恩暇出牛洲露冷霜淒已九秋舊種陰厓松
老大新開陽洞寺清幽漢南部曲還遺澤水北樓臺
但古丘明發更催京洛去暮雲寒日不勝愁

贈別關東伯趙公舉

清福夥君主寵憑遙持玉節羽人仍慣看桑海須
史變不厭蓬山造次登道丐粃糠民足活時行霜雪
境逾澄風塵撒却病司馬燭自棲棲愧蔑能

追寄趙承宣勉卿出牧洪州之行

爲養明時乞郡南憐君五馬正驂驪從教海曲知廉

吏莫怕人間有妄男猶可少寬秋稅苦更無多酌夏

醪甘題詩付與吾甥去慄慄深情轉不堪付趙嗣基

與李碩微輩怒余之伸直呂希天移疏致余且及勉卿未幾勉卿為親求養出補湖邑故

第四及之

送固城倅趙君世煥

先朝鸚立老臺臣此日彎腰瘴海濬儘有心腸同鐵

漢猶須口語戒金人跳踉天末魅爭喜懍懍瀧邊吏

或噴聞道南營方浚築可嗟經理更勞神

東里李尚書嚴和壽席敬次光城台韻博粲

佳節人間重下元東園壽醴復盈樽移來巫峽雲雙

采舞得蓬山曲一翻暇日管絃今擬謝餘春棊酒昔

稱溫當筵却恨吾先起催約倉公嚼苦根

是日公家兩紅出起

舞齊唱鄭松翁開東別曲以為迴旋節拍甚靡麗之觀也國舅光城公及洪尚書吉甫

重叔承宣並來赴會而余適以藥房起居先去仍有海西新採藥料來納之事未旬及之

松翁之思美人續美人即歌曲之九章九辯也

而俗妓之不解此已久東岳所謂世間惟有女

娘知言亦虛語耳李尚書家小妓獨能為此曲

聞而有感遂和前韻更呈東里公求和

永新那獨擅開元聽爾清歌拍酒樽千古靈均心苑

結一聲何滿淚瀾翻愁憐玉宇偏高冷寵怯華筵欠

久溫此曲未應便斷絕愛君難捨是情根

昨日擬圈文衡而舊薦數公皆爲時宰所勾抹
東里尚書亦其一也時事嬗變亦足一慨又疊
前韻略叙鄙懷

推敎何須問化元安閑到處且開樽詩腸似錦魯心
豔世態如雲幾手翻未恠風塵壘槽聳還憐雪水點
茶溫從今不管燃藜事一任癡兒錯改根

豐陽君張

善徵挽

戊午

前秋一札自江關舊篋今開涕淚看危節百身哀莫
贖沉憂九死耿難刪當時入對青蒲座此日歸從白

玉欄憶昨夢山猶枕席未隨牽紉愧吾孱

趙判書

珩挽已未

曾聯八座上標顙尚記

先朝寵遇專乍向長沙愁

溼濕慣覘滄海變清漣搔頭叔世從催白弄膝孫兒
且得玄乘化知公無住繫俯看蠻觸一迥然

贈別夢齋申公出宰安邊

西限箕封南界江山河勃鞞卽殊邦吾猶過也曾逾
嶺子似退之今問瀧藉得臨湖開酒席何如壓淚敬
油幢望鄉恰有寬心處駕鶴高樓拓八窻

送李承宣有初

端錫

急充使燕之行

時李次山
病甚行期

八
月
廿
五
日
通
志
卷
四

隔一旬而通以有初代之時有宋挺漢者方
為臺官自鄉陳疏訂論有初大抵很誣妄也

千里宜求三月糧今君恰戒一旬裝行超嶽海猶居
室已視冰霜若負陽刺刺不休婢子語囂囂無罪黨
人章極知度量逾千萬君命毅然祇自將

趙兄揚卿由布衣直拜溫陽郡守辭 朝之口

上引見便殿揚卿面陳累數千言皆 朝廷闕失

暨懷保民生綢繆邊備之策 上大加嗟嘆揚

卿遂赴任而時議譁然詆斥不已蓋恨之也作

一律追寄其行

魯上 先朝太息文歸來軌躅在河汾即今民社

須公屈如是皇王蓋我聞始見嚴安天恨晚催呼馬
客日垂嚙布衣得此誠難報餘外曉曉豈足云

南叅判

九馬

大夫人挽

庚申

片言前歲痛群亡走子剛腸傲鎖碁未售死人時宰
意恐傷生我老慈心幸看寡暄天初霽却訝晶光婺
忽沉想得瀧岡文就日慟深欒棘淚淫淫

八月五日懸弧之夕與中表諸從設小酌汝兩
酒所爲余言兄歸牛川弟返壽春中間一水以
扁舟來往詎不爲千古之勝耶噫汝兩此誠比
陳家阿咸以五湖圖爲壽者爲尤切不勝感嘆

聊成一律以示余意

觥飲諸君任醉醺
孤辰老子且婆娑
書生事業已鏹
細平世功名鵲印多是事
誰曾期夢寐素心吾欲托
煙蘿相攜愛汝同歸語
他日牛川兩釣簑

送申兄戴明謫博川時諸從三人俱爲囚人鄭
元老所構誣幾陷不測兄幸蒙 恩先謫光明
尚在獄中故第六云

聯翼摧傷倍可嗟
君先一謫尚恩波
已知獄吏尊如此
况復夷方陋若何
塞候秋憐霜雪早
劍氣宵覺斗牛多
平生忠孝傳家訣
鏤骨年來儼不磨

挽趙正

秦相

入奉輅車禁闥頻大郎家世卽觀津不隨鄆杜鳴鞭
客須覺甘泉觸瑟人幸取旁親祈螺贏尚論遺伐盡
麒麟曾同履虎君先逝老我愴然淚濕巾

寄題梅鶴亭

李承宣百宗

東溟

今夏出宰雋林三以書至

曰吾朝暮投綬歸臥梅鶴亭中子曾有題詩
之約胡至今不踐耶余方陸沉於風波推蕩
中未能自拔懷想高風三歎而題之

孤山孫子有陽元舊臥高亭洛水濱爲令九旬知計

懶求詩三札見情勤臨臯夜過寧非子庾嶺春開想
是君慙愧牛川未歸客從人新勒草堂文

庚申十月十九日 中宮殿患痘疹自 上

日移避于呂慶官口傳余及汾厓申公爲藥房
分院提調設議藥廳于慶德宮之內班院與醫
官十人同直供奉藥物夜不解帶而寢者已七
日痘醫柳瑞等以爲今日乃收脹向靨之期而
且去冬至纔五六日憂愁無慘偶成一律以寓
祈祝之忱云

頻聞醫女下彤闈坐數寒更五夜遲此事但憑天祚

宋舊方誰得帝傳岐顙空民祝三靈際發橐陽回九
地期且待 駕還雙闕日會朝齊舉萬年卮

仁敬王后挽詞

坤則予嘉秉塞淵名門德選稱紘紼重輪望切虛祈
月五石鍊成實補天乍訝金根分漢仗旋悲玉柰上
吳鈿中宸結愴奎章煥徽烈真堪壓史編

又

小臣分院領醫人痛哭中宵臯復辰未信瘡瘍稀上
代空勞茶壘衛重宸長桑有訣誰傳禁大藥無功失
劑珎賸得百行清血在曉風霑灑翟車塵

李生

涉

婦金氏挽

首相文谷公少女也年十六因產後病發不救

執臬功兼詠絮才芳年銷落奈堪哀雲端月墮初生
鬼握裏珠沉乍剖胎長恨婦儀違饗室二餘女典掩
粧臺試看相國鍾情語寸寸猿腸字字推

宋生

殷錫

婦朴氏挽

尤齋長孫婦也

先生垂涕爲言之孫婦當家孝敬宜鰥海風濤曾訪
險雞鳴筭櫛尚多儀蘭摧可惜非深蒂桂茁差忻足
五枝官縛愧無燕客志未觀君子葬人時

挽趙承宣

遠期

哭君終日淚聯綿疇昔交歡果孰緣每想道峰花似

雪仍憐湖閣水如天
虛稱觀察沉青綬
實斬文儒上彩輓
今日此杯還作別
山河隔得奈茫然

自牛川舟渡前灘
歷展外家諸墓
瑞明徵明兩從塚
地草已宿矣
日暮未及往訪
感歎有作

辛酉

少日聲名二從偕
英才箇箇冠吾儕
高文賦雪同梁苑
絕學論天似魯齋
每愴新阡頻瘞鬼
誰憐舊契獨忘骸
今來却負曹公約
慚愧車行返自崖

水雲亭書示尹生

勤兄弟

小閣直能豁滯胸
軒窗且喜與君同
雲間長對水鐘寺
水勢遠分雲吉峰
糝得一村花似雪
飽來遙浦帆

當風何時結社從公等北陌南阡費一筇

次南尚書雲卿韻

誰言知得不知休名利災多莫到頭今日天章慚內閣
昔人南詔想邊樓纔完屋壁堪旋馬曾理渚磯亦
號牛千載蘄韓真我友不妨時續醴泉遊

買山

買山那復計西東先換陰崖一畝宮已免容人眠榻
內寧愁納客擾關中團圓是物知無缺病癢全身覺
自通何況清時吾事足明朝擬逐鹿門翁

再題梅鶴亭

筆意琴心世得之園梅庭鶴亦供奇繁姿霧合煙交
際疎影江清月落時聖草真如逢渾脫幽香那獨寄
橫吹所嗟未逐賢孫去一醉高亭更賦詩

日者伏蒙元輔文谷相公投示太極亭感舊之
什而小生晨夕奔走倥傯擾攘久未攀和矣昨
於篋笥中披出展讀不勝愴然怵惕之懷不揆
蕪拙謹步厥韻以述鄙悃且求斤教

壬戌七月

南山曾記結廬年歌哭仍開聚族筵終古遷移無定
主卽今傳付負平泉文留拱極堂中祝字認飛流洞
裏鑄三復相公懷舊語不堪孤露倍潸然

元韻

文谷

分明往事幾經年太極亭中醉別筵此日登臨餘
一涕向來有沒隔重泉清溪雨送新流漲翠壁苔
侵舊字鐫徙倚曲欄無與語終南秀色獨依然

好事

好事從來不全好喜歡真覺與仇謀爭傳赤壁蘇仙
興更道湖州杜牧愁簫鼓舟中還罪過牡丹燈下也
風流狂飆拔屋纔三日病眼昏昏且百憂

送李侯景略

懽

出守白川

癸亥

米鹽雜處身持玉雲雨翻特意劈金三世豈徒爲案

友數年仍復識誠心北亭龍虎長懷曩西邑絃歌却
慰今情緒別來應錯莫第憑魚鴈寄佳音

許氏近水堂敬次外王父東淮先生韻

江色清澄不用膠灘聲砢砢復扣敲烟銷日出中流
去柳綠花明兩岸包君與雲嵐長作主我從魚鳥亦
呼交水雲近水真隣比來往輕舠也莫拋

角巾亭疊東字韻

暫違城闕滯湖東誰識巖廊此病翁終日隱囊江色
裏有時看奕雨聲中漸憐野外添新綠更惜崖間著
小紅只箇優閒真勝界慣知榮利等苓通

柳諫議

尚運

出住巴陵仍用玉河館中是字韻

因劉譚寄我更次以謝

愛爾逃空遠俗楚還慙適埴到宵鐘閑中詩律陳三
癖歇後平章鄭五慵一勺澆來窗外竹數枝栽得石
間松東湖水滿風亭好歸意逢秋不耐濃

立秋後七日會洪侍郎伯涵黃承宣君玉尹僉
樞攀于一架亭

不用重軒與複楣歸然一架俯連漪繞堤楊柳憐張
態出水芙蓉憶謝詩世上熱官清更甚天中畏景暑
全衰杯觴抵夕忘歸去樹樹涼蟬響晚颼

贈別北伯李君實

世華

藩服中朝莫異觀
去朋真止備胡難
邊城更作三年別
世路誰期一日安
墊陸九河秋潦滿
磨雲百仞暮嶮巘
東門祖席嗟相負
唯祝君靈鷲脫歡

挽趙監司

世煥四子

曩時權相論公說
勇赴固城事太奇
儘向蠻州甘蠅弩
寧期髦彥穩龍墀
操能礪俗全清節
語到驚人有好訐
可惜招魂仍逆旅
暮雲湖海不勝悲

明聖王后挽詞

功兼育子與扶
君十載憂虞亦極殷
天遣寒門

生 至聖身綏東國有魏勲子孫定有當興者太傅
何曾妄殺云忝藉小臣今血泣爲描 坤德痛無文

默默

默默中宵黯自傷無端世論似蜩螗城盟不耐春秋

耻

六月十三日之事有甚於城下之盟矣

盆照猶憐日月光悶見淒風

凋黍稷愁聞高浪覆舟航

今年初夏海漕轉多

海上大鱣堂道

廢庖蛙亂歎息虛傳學記章

挽閔海州

素

逝水沄沄歲月傾年來耆舊太凋零先人僚友今誰
在從弟姻親更有情早佩銅章頻試邑晚培珠樹歛

盈庭自憐病甚違牽紆江漢秋風涕淚橫

七言排律

暫出漢陰歷覽蔡亭舊基仍口占八韻以記

壬戌

角巾吾欲謝烏紗小築先尋蔡氏家每想少年蒙雨露終須晚節托烟霞江從月峽還三曲山抱寺巖更一遮俎豆東隣依石室樓譙南堞隱金笳前村活計千頭鯽舊國遺墟兩角蝸龜岫幸聯先兆近牛川誰道故居賒長瞻魁斗懷京闕卽具漁舟度歲華准擬今秋乞骸去雲臺那換此生涯

次韻

汾厓

夢齋

曾知骨法應籠紗馬竇賢名最漢家勲業已登雲
閣盡雅懷猶憶北山霞將營綠野心爲匠暫出青
門路不遮未遣高軒張大盖潛移小隊撒鳴笳千
村麥畝看如繡兩岸漁家列似蝸淨地東南雖擅
美春明咫尺亦云賒湖山不合留賢佐廊廟端宜
處國華試念九重宵旰切涉川今日若無涯

次前韻謝汾厓申公

不見扶風施幔紗長懷岳麓舊東家聯翩步武台隣
斗嶂燁詩文筆叶霞在昔交情曾莫逆從今去意豈
相遮虞廷上輒工藻漢塞兵仍息鼓笳激越洪鐘

方縮蚓沾濡小沫合藏蝸
主恩未忍明時訣世法
終宜寵利賒况有湖山饒勝槩非關臺榭闢繁華同
歸惠好要公約江漢中分各一涯

附尹公玄通次角巾亭蝸字七排八韻

勲業成時懶著紗風波靜處合爲家軒楹插碧酒
新鏡樓戶推紅映落霞沙籀巧回侵水曲江襟側
欽讓巖遮勝筵簪笏紛賓從暇日旌麾咽鼓笳雪
膾堆盤魚棄尺水虞抱網室如蝸鳳城跬步游多
阻燕塞間關夢苦賒夙歲嚼恩心已鏤半生憂
國鬢先華卽公准擬能無錯報得如山未有涯

息庵先生遺稿卷之四

息庵先生遺稿卷之五目錄

五言絕句 三十一首

贈白谷能上人

夜聞雨聲

詠戴明兄家孤菊

紫駟

花落

春閨

挽崔春卿

送柳起之赴原襄幕 五首

登海雲臺 二首

望海次趙公舉韻

戲贈海鄰上人

小角鏡遙寄紀明

走書靈山 尹侯遇甲 扇頭

夜聞子規

題倭人扇頭

歷明日院訪尹生 勤

舟上斗尾

謝抱川倅洪君

受亮

金浦客館敬次東淮先生壁上韻

登文殊山觀海

夜集尹仲麟家

十首

贈別原州金使君

明十

種竹

六言絕句

十二首

挽洪吏部叔平

十一首

挽趙叅議

嘉錫

謝李上舍汝文來訪

七言絕句

七十二首

南漢山城感舊

八首

贈金然明之任連源

戲贈新安妓貴色

淑靜公主挽詞

四首

讀安牛山晉州記事有感

六首

送淮陽任使君文仲

讀袁中郎集

二首

挽尹同知

挺之三首

送李文若佐幕關西

五首

釜山道中

馬島飛船

宋東萊忠烈祠

颶風

夕峰

登釜山山城

三首

海雲臺

次趙內翰公舉韻

奉和萊尹雨中

志喜韻

憇路傍松樹

寄孟休徵海伯行軒

開元寺贈特公

送汝兩領漕向江都

次夢齋韻

卷之三

挽南僉知

得川二首

過奉恩寺記感

贈別洪昌平

受澆

贈趙上庠

正萬二首

挽趙寧越

世彙

奉先寺曉起

重到開元寺有感

贈別通信副使李季心

次汾厓韻

三首

敬次金相國南尚書韻

更構一絕

却呈青平都尉

角巾亭寄邀尹玄通

一首

棲霞閣贈從弟汝三

水雲亭躑躅盛開

為世泰書寄柳太常

時蕃

挽金生

昌立二首

挽南尚書

一星四首

角巾堂錄

將往長湍暮抵碧蹄 坡山道中

渡臨津

七月夜有霜

送韓太僕

背世
筆試

嶺南

將還維楊過蠓踰嶺

路逢權生寄贈公舉

挽韓興君李

汝發

生平

復疊前韻謝公舉

再疊

三疊謝汾厓申太宰

次趙弟

敏行

見贈韻

謝春川黃使君君玉

自牛川舟下角巾亭

水落山途中

自長湍舟下赤壁

題花石亭

卷之八

挽權進士

益泰

挽青平沈都尉

益顯

題岷瞻堂

朝發漢湖乘漲下漢江

息庵先生遺稿卷之五

五言絕句

贈白谷能上人

幽逕秋花落高林夕照陰偶有山僧至相將話妙心
夜聞雨聲口占

窸窣復蕭蕭聲聲在秋樹不是風前葉應是葉上雨
詠戴明從兄家盆中孤菊

冬日萬林霜君家一樹菊衆人皆喜叢吾意只憐獨

紫騮

古樂府有夜度娘詞云夜來月霜雪晨去
風波雖得叙微情奈儂身苦何

纖腰控紫騮蹀躞層冰裂猶勝夜度娘夜夜冒霜雪

花落

朝見枝頭繁暮見枝頭少惱殺閨中人愁來轉悄悄

春閨

喜鵲非真報歸鴻錯遠書春來情緒亂不特夢魂虛

挽崔春卿

名詮長余十六歲與余嘗同為博士業前後守大小利解額者殆十餘遭

赴會試輒屈晚為分教官八年勤勞備至而鈴曹不收終下得陞實今夏選薦不起傷哉

一篇送窮文平生為惜君素車嗟未哭何日問孤墳

送柳同年起之

之發赴原襄幕

二月長安路朝朝有微雨向晚出東門衆山青無數

又

二月東門柳春風到樹頭迷煙復迷雨已得綰離愁

又

二月昭陽江江光淡於酒何當與君遊一棹在吾三

又

毘盧一千仞蓬萊一萬丈中間碧海濶仙人倘來往

又

十載別清都局促塵寰小平生永郎徒問我應相笑

登海雲臺俯臨滄溟四無涯際浩浩漫漫一碧

萬里時有微波獨湧雪色亂灑儘奇觀也試爲

二絕以喻其狀然終亦非拙語所能描寫也

錦障出季倫古人尚云侈誰家碧綾羅鋪盡千萬里

又

聞道海觀音高拱蓮花坐恍有白玉童擎出雙雙朶
望海次趙公舉內翰韻

十洲何許水三山若箇巖金銀仙闕裏可復著吾庵
戲贈海鄰上人鄰自言能爲草書

謫仙懷素篇吏部高閒序寂寥一小詩吾今還負汝
小角鏡遙寄紀明從弟

小小一盤龍盈盈明月片持來照君顏亦復思吾面

走書靈山尹侯

遇甲

扇頭

碧海浪無際青山雨不分天涯今日會那惜醉醺醺

夜聞子規

乍續秦京夢頻驚蜀鬼聲山窗纔曙色何事復啼鴛

題倭人扇頭

錦摺手中扇持來滄海上但令祛炎熱何煩作風浪

歷明日院訪尹生

勤

策馬今朝出尋君明日來離花兼岸葉秋色足深杯

舟上斗尾

泛穩深深水編牢小小舳不愁京洛裏平地有風濤

抱川倅洪君

受流

餉以文無一束詩以謝之時

有新除御營之命

戊午

一束春山菜多情却餉吾文無真自罪慚愧學孫吳
宿金浦客館敬次外王父東淮先生壁上韻

近浦全侵陸遙山共謁天海門知不遠潮撼五更眠

登文殊山觀海

極目大瀛海微茫島嶼多還疑汞鼎裏時著鍊餘砂
尹承宣仲麟家夜集呂宗伯希天申都憲寅伯
李侍郎季周李知申弼卿李少宰彝仲尹侍講
養一柳江界起之俱來會仍以夜闌更秉燭相
對如夢寐爲韻賦得十絕以示諸公兼與起之

作別

飛鳥各安棲行人亦稅駕誰知六載後團圓復此夜

又

此夜留君飲何妨夜到闌相將邀月色聊復破霜寒

又

前後臨瀛守宰官試邑政卽今還重內肯使高軒更

又

右屬

呂宗伯
李知申

一躡無等頂嗟君亦過嶺慙吾血指久還君椽筆秉

又

右屬

李少宰

屏退舊田廬幾將遺書讀平生一泰斗丹心炳如燭

又

右屬尹侍郎

畏塗鐵關峻絕國燕塞長公公在高衢憂樂乃迭相

又

右屬山都憲

自君離安山幾年出險塞愁州愁已除一樽聊相對

又

右屬尹承宣

一來纔從鏡起行却向問伯勞與燕燕東西政渺如

又

右屬尹侍講

一夢復一覺處世真同夢此會還有別那能不心痛

又

山雪留古今江流界天地明發送君土耿然兩不寐

贈別原州金使君

斗明

大陸風波動遙空火日熬蟾江清百丈高臥是仙曹

種竹

栽得窻前竹呼兒日日澆會看生直節高者拂雲霄

六言絕句

挽洪吏部叔平

萬衡

永安都尉之第二子大諫伯涵之介弟與余同文科

年止三十八官終弘文校理秀而不實惜矣哉

昨夜東風微雨沁園芳草菲菲憐君與歲俱逝何事春歸未歸

又

夢中時呼白也卷裏或哭微之幸爾遺文有托照眼
俱是佳兒

又

粲粲瓊樹交柯英英挂萼雙帶人道謝氏封胡爭似
君家兄弟

又

清切由來地望高寒自是天稟却少王郎一歲唯得
天官五品

又

十尺海底珊瑚一箇掌上明珠嗚呼至寶難得惜哉

墜彼虛無

又

驂騑乍騁中阪玉蘂先飄上春不知造物情狀偏付
壽祿何人

又

夜中思汝十起病後遺親一書無恨人間父子此時
此情何如

又

所悲燈前轉屋堪恨土中埋玉縱使床琴不亡誰識
季鷹此曲

又

別君明日故山哭君今夕新舍依依物色無人庭花
欲謝未謝

又

平生子喜吾文此日我送君逝題得廿句六言淚眼
浪浪不霽

挽趙叅議

嘉錫

同我四十八年送君三百廿字東門此別茫茫無限
人間涕淚

謝李上舍汝文

邨來訪

我住桃花淺灣君家白石深洞十里殷勤遠來柴門
日暮相送

七言絕句

遊南漢山城感舊八首

青春獨上漢南臺臺下長江入海迴日暮烟塵迷北
望不堪孤劍吼風雷

右登西將臺

又

一夕胡烽照漢宮先王於此駐飛龍誰知百一金
湯地更有吳山立馬峰

右望司汗峯

又

古州東北盡黃雲烏驪青駝各一群漢家戰士三十萬奇功還屬奉春君

右有感

又

壯士橫戈壓虎關西門一箭破完顏至今雉堞連雲處猶有當時戰血斑

右觀西暗門破賊處

又

孤城一夕陣雲昏壯士捐軀報國恩日落古州南畔路不知何處可招魂

右哀北門戰士

又

誓心昔日明倫計嘔血當年報主誠未破天驕無限

恨有時風雨滿空城

方懷李宗豐

又

聲長笛倚高樓樓外平看古戰丘不待臨風吹出
塞孤城月色已堪愁

右天柱寺開簡

又

千古溫王迹渺然白登遺耻淚痕邊山僧不管興亡
事獨向晴窗課法蓮

右題天柱寺

戲贈金同年然明

與

之任連源驛

驛在忠州

少年高第太無愁不解人間有遠遊笑殺今朝丹竈
破春風一騎向忠州

戲贈新安妓貴色

方作李公正英舊歲
左遷嘉山時所晒者

一曲悲歌金縷衣美人清淚濕羅幃
歡今得意輕相負自擁西方千騎歸

淑靜公主挽詞

代叔父作

一代平陽貴主尊夫家家世漢楊袁中
叅禮數偏優渥長奉春風萬壽樽

又

玉蘂瓊花第幾枝九天風露惠恩滋
如何閨苑淪霜早不待蟠桃子熟時

又

日日中官出九閭護醫質藥更頻繁白膏紅蜜知多
少却恨仙香欠返魂

又

帝女樓高鳳闕西西園秋草日萋萋堪嗟乞巧還今
夕悵望銀河路已迷

讀安牛山晉州記事有感

憶昨南州漲海氛將軍百戰樹奇勲遺民未必知名
姓但說當仁上洛君

右
上洛君金時敏

又

一翁門下舊升堂夫子于今最耿光倡義一軍俱死

義晉陽還似古睢陽

右倡義使金十鎰

又

韜鈴黃子真英勇意氣梁君亦士林萬里獨勤懷奏
義千金足見買刀心

右黃兵使進梁佐郎
山璫

又

崔氏文儒能習武張公義士且知兵更有投江李節
制男兒一死貴分明

右崔兵使慶會張泗
川潤李金海宗仁

又

高家男子復讐軍編素東來義烈聞此父精忠還此
子至今人誦濟州文

右復讐將高從厚

又

危欄千尺清江上義骨沉來恨未銷尚記英豪爭戰地有時樓撼五更潮

石齋不樓

送淮陽任使君文仲

奎少能詩且善四六戊申冬登文科尋罷榜

海上仙山高復高山根日夜浸洪濤登臨把釣君家事須向蓬萊斲巨鼇

讀袁中郎集仍用其體却賦二絕

千秋玉局聖於文才調中郎足繼云快活心腸飛動語展來詩卷欲凌雲

又

豪情矯矯凌空翮秀色盈盈出水花尺牘幾行詩幾
首無人知道自南華

挽尹同知

挺之公享年九十有二

九十人間占大年童顏鶴髮老神仙也知紫氣臨關
日逢著青牛學五千

又

魯聞桃實千年結却見蓮花再度開洪崖柱史相逢

地爛醉仙翁紫玉杯

昨年公與已酉司馬壯元東州李敏求暨知事洪憲有電梅會

又

二首詩曾賀語成擬塵瓊席壽先生今朝寫入薤歌

去遙送雲輶指五城

送李文若

沃

佐幕關西

烏臺詞客盛文章
千里湖山入錦囊
想得高秋吟賞地
練光亭外月如霜

又

白面紅衫映繡裾
風流昔日少郎君
清江一曲千條柳
猶許佳人唱遏雲

又

滄溟眼底小如杯
鳴水微茫一縷迴
君向妙香須騁望
千山皆自白頭來

聞爾鯉趨關塞遊箕州路轉接愁州行時朔雪西山
色到日春天北海流

又

白月寒霜禁樹秋去年西掖日相酬今朝物色渾如
舊却對清樽起別愁

釜山道中

漢營夷堞鬱茫茫野草巖花更斷腸路傍試問田舍
語磧裏時餘古戢鋌

馬島如有通報釜山之事則輒送一輕舸而風

不問東西皆絕碇運櫓其疾如飛烽臺候卒望
見水肯上有一點如白綿絮狀者卽知其爲飛
船奔告府中未及歸而船已瞥然來泊於簾下
矣

海中水高處如嶺
之有脊者曰水肯

絕影望大海開鷹峰西接沒雲臺遙看一點濤中
白知是蠻州片舶來

宋東萊忠烈祠

忠烈院前碧草滋殘花寂歷暮禽悲許張舊聞聯雙
廟宋鄭今看共一祠

颶風

雨脚初收日漏光
颺來石走晝茫茫
南人裘葛無時節
四月萊州海氣涼

夕烽

天涯遠客客愁濃
日日孤城對夕烽
憑渠欲付平安報
家在終南第一峰

登釜山山城

釜山在蔚州西外城所築也萊州之城即

唯取難石而無餘隙而向主長短平角立入
雖存而無餘隙而向主長短平角立入
施以繩斧焉與天下之巧制也山頂有碑
天朝平倭諸將勦力之所而
蓄銳石刻殆不可數計悲也已

一
釜山舊古碑摩挲不覺淚先垂
虛將勒石蘭臺

筆來寫磨厓大史詩

又

天兵十萬下東瀛大破蠻胡紀績明
功伐中丞唐郭令文章國史漢班生

又

繼絕存亡荷帝恩妖氛十載靖東藩
銘勲漢將河如帶飲犒周師海作樽

海雲臺

崢嶸石骨聳危臺東望洪波萬里開
天際白雲飛不去崔仙千載倘歸來

前歲四月

二奉

慈聖幸溫泉五日

廻鑾

小臣適忝玉堂以留都官自直廬出迎于江上
今年四月 上又奉 慈聖幸溫泉小臣復帶
玉堂一如昨年而顧乃以儉事留滯南徼恭聞
車駕將以今閏月十一日還都而未克展祗候
起居之儀謹次趙內翰公舉寄示韻以寓區區
瞻戀之微誠云

憶昨留都直禁扉

頭親候六龍飛天涯想望

廻

鑾日縹緲紅雲擁些微

奉和萊尹令公雨中志喜韻

萊山太守雨祈農誠意搏搏見禮谷爲語山神如律

令急須鞭起井中龍

時萊尹將請千金井山令我爲祈雨文

憇路傍松樹

道上陰陰十畝松何年變化老雙龍未須更論興雲雨蔭暍還應也待儂

走筆寄贐孟休徵

曹瑞

海伯行軒

君監海路異區河自有西江萬斛波但使齊民饑易食論功禹下不爲多

開元寺贈特公

南漢摠攝瓊特

落木寒雲古寺秋今來不忍上南樓山僧見我驚相

問當日郎君已白頭

送從弟汝兩運判向江都領漕

司農官屬好風流
領運西都亦勝遊
想得春江江水滿
百船齊櫓下通州

次夢齋韻

宵蛩咽咽夕蚊喧
叵耐文書抵晝繁
安得此身便解脫
秋風一棹倚龍門

南僉知

得用
挽

稀齡耆德宋朝英
七郡治名漢吏良
眼看一子還巍級
膝置曾玄復幾行

又

今年耆舊太摧傷
柱史榮趨共報亡
可念兩家樂棘
痛白頭卿月老兒郎

過奉恩寺記感

辛酉

清江一曲花千樹
曾向均公寺裏遊
二十七年重過
此春風暫繫木蘭舟

贈別昌平洪使君

受澆

少日工文學兩都
卽今爲邑且名區
公餘作賦君能
事績得畸翁瑞石無

贈趙上庠

正萬

太華峰頭玉井葩天生苗裔紅霞君家世有高人
手又折今年最上花

又

久仰三都繼左思龍門一賦古今奇四世占魁真不
忝嘉君重續紫貂詩

挽趙寧越

世彙

五字推敲詩品絕廿年榮落宦途難可恃倚樓才盡
處魯陵西日不勝寒

奉先寺曉起

七載中兵二考銓聖恩今許占安便曉來約略知

佳趣占寺鐘聲落枕邊

重到開元寺有感

山雪林風古殿開微雲淡月曉徘徊南壇老宿知何

處東閣郎君今又來

南壇老宿指法
演瓊特所摠攝

贈別通信副使李季心

三戊

坐對東洋萬國圖扶桑一點日光孤影君受命重溟
去愧我瓶罍老此夫

次汾厓韻

乍罷朝衙一枕甜不知仙漏已申籤夢甲且約江湖
伴鼓枻垂絲總楚詹

又

新詩百嚼味回甜
藏去端宜冠萬籥
自有高岑真格
律韓門那足數郊詹

又

辛勤到底爲人甜
不害臨州共興籥
每恠屈原多耿
介却將鸞鷟問諸詹

敬次金相國

壽興

南宗伯

龍翼

二鉅公留題

平都尉山亭詩韻二首
却呈都尉案下更構一
絕爲求倣松雪體
寫東坡上廬陵啓

小閣圖書認主家
名園時物亦芳華
箇中定有煙江

墮、數黃筌著色花

朱觀駢馬王晉卿有所畫冊江疊嶂圖爲蘇黃諸公所賞

一曲秦淮勝陌桑清歌子夜響華堂堪憐賦月風流處不惜微沾地上霜

右次二公韻

平生最愛子瞻文曾上廬陵賀乞身暇日請君題寄我晴窗一讀警陳人

角巾亭寄邀尹公玄通

癸亥

湖上重尋小閣時壁間三復故人詩煙銷浪靜鯉魚美正好春風對酒卮

又

纔回遼薊路三千却對煙波興渺然湖上一樽聊待

子西風坐數上江船

棲霞閣贈別從弟汝三

都門曉出由旬地江閣涼邀四月風
睡罷斜陽仍作別波光明滅晚霞中

水雲亭躑躅盛開

梨花時節每相違花到今朝又盡飛
却喜亭前紅躑躅一時齊綻待吾歸

爲洪世泰書寄柳太常

時蕃

賤時厄困人皆有高處詩文世所無
幸賴朱家能識季片言緩頰免爲奴

挽金生

昌立

東閣郎君玉不如仙真那得久塵居且催天上雙蚪
去許續人間九命書

又

無限人間父子情相公今夜淚霑纓蕭蕭雨過窻檼
語疑是山齋舊讀聲

挽南尚書

二星

少年蓮榜幸同年慚愧批糠偶在前每憶玉堂詞翰
地多公彩筆繞雲烟

又

去秋聯步上彤墀法講雍容奏對時往事依依公不
在朝端無復見風儀

又

尚書風味在持螯斟玉承糟眇二豪今日蓬科歸寂
寞空山誰與勸春醪

又

一春停弱常多病盡日幽憂獨掩門咫尺城南還阻
哭徒將薤曲與招魂

角巾堂錄

角巾漢陰亭多自癸亥七月陳留乞長
暇出仕時所作

自角巾亭將往長湍取路揚州達伊峴暮抵碧

蹄

行行穿峽又踰川乍度平阡更陟巔開遍林花逢雨
亞啄餘山果待霜懸輕雲淡靄衣都濕白石清泉興
屢牽聞道高寧寺不遠晚來須借竹床眠

坡山途中

小村墟落傍溪涯溪柳垂陰擁短籬茅屋低簷蛛挂
網豆田聯蔓兔爲絲正當郊野有年日恰是林泉無
事時踈懶五旬今請老願從東峽理荒菑

渡臨津

清晨客路指臨湍烟雨冥濛水一灣花石千秋跨絕

壁衣冠百世護喬山亭憐溪老題詩處舟學坡翁擊
棹還霽後天磨增氣色插雲孤截悵難攀

七月二十一日夜有霜甚可驚也

豚蹄曾笑祝盈車望望田家計亦奢殘暑逢秋猶未
退清霜到曉忽交加郊原已悴青青草蕎麥先凋白
白花憂緒江湖吾倍切矐然雙鬢不論華

自臨湍先送韓太僕肯世還京仍向嶺南掌試
故人門巷每相從誰料西征又輒同纔向天閑調御
騎還隨地骨覓真龍山中剖玉功全巧嶺外掄材道
與公乍別此行君早返田間我且息吾慵

將還維揚過蠡踰嶺口占

江湖歸思正吾儕官路無心躍駟騶未是旁行從郭
索却尋邪徑愧高柴寒蒲束得蠍方美冷藥綻來菊
亦佳明發懸車成至願一封齋沐奏天階

考工記註
有行蟹屬

文選思玄賦指長沙以邪徑山谷
謝人贈蟹詩寒蒲束縛十八集

路逢權生益隆仍占一律寄贈趙四宰公舉

一出春明久濶疎政堂秋日近何如老來衝口言言
妄覺後收心物物虛籌畫稱情公作蔡烟波惹興我
其漁維揚偶與阿隆會逆旅題詩問起居

挽韓興君李

汝發昔公病通御營
而余爲其代

時危可惜失豪英誰似營平老習兵
少日戎壇推節制晚年盟府襲勲名
久知樂佚殊程尉常愧雍容代祖生
偶屏田間違一哭秋風江漢阻新塋

生平

生平憂國不謀身自有丹心可質旻
非效孔尼論正卯所期虞士得同寅
儒封織貝翻成誣史筆稱孤亦亂真
千載老蘇曾著辨一回披讀一傷神

復疊前韻謝趙四宰公舉

自覺吾行與世疎此來蹤跡便如如
唯將明月留清影且任浮雲點碧虛
白酒樽中無事酌滄波江上有

時漁扁舟更欲乘流去溪霧湖煙不定居

再疊

年來志業轉空疎今日歸休可自如渤海詩成身亦
老邯鄲炊罷夢俱虛幾行書史供觚爵一担江山爲
採漁只此生涯吾易足不須詹卜問何居

三疊謝汾厓申太宰

昔年銓法愧吾疎此日天官孰子如但明時望俱
實曾聞聖主佇虛胸中水月空懷鑒外烟波
欲學漁自視庖人殊缺甚莫嫌樽俎與軒居

次趙弟敏行見贈韻

昔進常疑驟今歸不害顛
飄搖辭世外疎濯到江邊
舟閣何須楫牛閑亦懶鞭
晴窗開卷坐此物荷皇天

春川黃使君君玉

玃書餉鹿脚雞首

聊成一律以謝春意

牛渚風寒露色淒鷺枝何處足
僑棲正愁秋圃無羊
却却喜春州有鹿蹄
笑我浮榮真夢蟻
憐君絕技又庖雞
馬卿病渴今差健
擬向狂山覓舊題

自牛川舟下角巾亭

薄暮湖光萬頃開
扁舟朝自水雲迴
秋江上下皆奇勝
無事煙波獨往來

水落山途中

徑折崖橫石溪喧水落山東峰昔隱處孤絕更難攀
自長湍欲向金川不果乃舟下赤壁三十里登
花石亭口占
此行孤負朴淵遊却向臨湍弄碧流借問香爐觀瀑
興何如赤壁艤清秋

題花石亭兼示主人李文

厚板印翠石先片從
曾除也

千古名庄認會昌吾行况復是重陽橫江赤壁三秋
月繞舍黃花百本香占國林園增蔽青承家詩禮更
芬芳先生祠廟還隣近每念當時感歎長

挽權進士

益泰

往者游場屋居然樹旆幢世爭推第五吾亦歎無雙
齡妙天胡奪文窮鬼莫降傷心送葬地一哭阻秋江

挽青平沈都尉

益顯

昔因李東部請公書數紙所書卽何語坡翁賀歐子
文辭旣發越字體更妍媚感公情義多多公藝能美
帖壁時自玩爛然雲霞起今秋幸乞休鼓世清江渙
蒼茫斗湖間風烟類潁水况蒙上哀憐特許歸田
里今古縱莫及勉蹈有哲軌誦公舊日書感歎其何
已惟公資最剛曾不料生死尊榮復絕代至娛忘年
禩云胡厭塵白蛻去如脫屣卜葬訝類樗筭命嗟同

杞念廣壽愈迤茫茫此何理西園日淒涼繁霜下庭
凡親朋舊過從歷歷淚盈視若余始未慣新知每延
跂山河今邈然一哭阻靈几淒辭與感臆遠托安仁
誄

題岷瞻堂

角山亭小堂

牛川南望首頻擡日日孤亭上幾回雙峽中開屏岫
出二江交滙斗淵迴依微野外分松梓仿佛寺前起
石臺況是臨湖千萬景盡恁粧抹作詩材

朝發漢江乘漲下漢江

曉報汀痕沒舊沙朝來片舸發湖涯半旬慣聽連江

雨此日真乘漲海槎
悶見青畦沉麥穗
休將白浪比桃花
吾生已拚從漁伴
隨意煙波學釣叉

息庵先生遺稿卷之五

